

Zeitschrift: Annalas da la Societad Retorumantscha

Herausgeber: Societad Retorumantscha

Band: 77 (1964)

Nachruf: Nicola Gaudenz : 19 avrigl 1901, 7 october 1963

Autor: Murk, Tista

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 23.08.2025

ETH-Bibliothek Zürich, E-Periodica, <https://www.e-periodica.ch>

Nicola Gaudenz

* 19 avrigl 1901, † 7 october 1963

da Tista Murk

La Società retorumantscha ha pers seis president als 7 october 1963, per conseguenza d'ün infarct dal cour, davo ch'el avaiva soffert bainquant ün mais a la lunga, illa patria da sa duonna a Puschlav, ingio ch'el as retraiva adüna in vacanzas ed ingio ch'el eir quista ultima jada speraiva da's recrear d'üna malatia chi l'avaiva turnantà da l'Italia.

Dr. Nicola Gaudenz d'eira naschü als 19 avrigl 1901 a Firenza. Quia passantet el sia prüma infanzia, quia get el a scoula fin a seis dudeschavel an, per cuntinuar alura sia scolaziun a Scuol, sia patria plü stretta, ingio cha'l genituors cuort avant la prüma guerra mondiala d'eiran turnats a star. Davo la scoula secundara alura get el a Cuoir, e quia fet el l'an 1920 la maturità commerciala, per ir in seguit a stübgiar a Berna e Turich dret ed economia. L'an 1926 glivret el seis stüdis cul doctorat a l'università da Turich e cun la dissertazion davart las finanzas cumüunalas da l'Engiadina.

Quant gugent avess il giuven dottur inchaminà la via diplomatica! Las linguis naziunalas savaiva el tuottas. Mo i nun ha vuglü esser. Perquai til inscuntrainsa il prüm per cuort temp impiegà da cancellaria ad Igis, alura, als 1. october 1927, dvainta el secretari dal Departamaint da finanzas dal chantun Grischun. Sia conscienuisità e granda diligenza al permettan ün svelt avanzamaint: Als 10 avrigl 1933, dimena var ses ans plü tard, vain el fingià elet schef da l'Uffizi chantunal d'impostas, in quella plaiw ch'el restet fin a sia mort, stand a la testa d'üna sesantina d'impiegats. Seis pensum creschit an per an adüna daplü, ed eir il persunal s'augmantet da trenta al principi da sia carriera pro'l chantun fin al dubel a sia fin.

Quai sun in cuortischems pleds seis svilup sco impiegà e grazcha a sias capacitats e cugnuschentschas da dret ed economia sia collavuраziun füt predschada in plüs roms administrativs sco p. ex. in du-

mandas da la partecipaziun dal chantun e dals cumüns a las ouvras electricas. Daspö l'an 1949 fin al 1956 fa'l da president da la conferenza dals impiegats chantunals d'impostas, da commember da la cumischiun masdada per la SVR, da commember da la suprastanza da l'organisaziun svizra per dret d'impostas internaziunal, e l'an 1962 vain el clamà dal Cussagl federal sco expert per la ledscha regard il scumand da dubla imposta. Per nos chantun ha'l preparà las differentas revisiuns (1945, 1962 e 1963) da la ledscha chantunala d'impostas.

Mo dr. Nicola Gaudenz nu chattaiva cumpletta satisfacziun e cuntantezza be in dumandas da professiun. Sia fuormaziun in Italia ed in Engiadina l'avaivan scolà il spiert eir per cultura ed art e buollà seis cour «randulin» cun l'amur per lingua e tradizion engiadinaisa. Perquai nun aise da's dar da buonder cha'l defunt in seis temp liber ha adüna eir tscherchà da prestar alch per lingua e cultura. Sia prüma actività in quist sen ha cumanzà cun la presidenza da l'Uniun dals Grischs a Cuoir e gnit cuntuada in möd significativ per sia iniziativa ed energia instancabla sco chaschier ed alura parsura da la Società retorumantscha. Aint il pream al terz faschicul dal DRG descriva penna plü cumpetenta tuot ils grands merits da dr. Nicola Gaudenz sco president da la SRR daspö l'an 1955. Nus vullen be relevar cha perfin in sia operusità per la chosa rumantscha, dr. Nicola Gaudenz nu sentiva cunfins strets e dovairs limitats, e perquai as fet el, cuort avant co murir amo, pledader per la promozion dals idioticons svizzers insomma, adressand 8 dis avant sia mort al Departament federal da l'intern üna instanza concernent la nouva reglamentaziun per las contribuziuns als quatter dicziunaris svizzers.

Chi chi craja cha quistas activitats per chantun e rumantschia hajan svödà tuottas reservas da forza da sar Nicola, as sbaglia. La vita sociala l'ha adüna interessà fich, ed el ha fat part da la suprastanza da la Chascha d'agüd purila grischuna, da la fundaziun Righaus, ais stat president dürant ans da la Società ad ütil public da nos chantun e sco liberal da veglia observanza s'ha'l adüna dedichà eir a problems da sia baselgia; a Cuoir presidiet el l'Uniun dals concretaivels evangelics liberals.

Sper il sacrifici portà per quistas organisaziuns, sar Nicola ha adüna eir pisserà per sia recreaziun in cumpagnia dalettaivla. El füt ün fidel commember p. ex. dal Cor viril da Cuoir e servit a quel pu-

stüt sco Cicerone sün viadis a l'ester. Il «randulin» Nicola Gaudenz ha vita düranta senti il clom, il chatsch dad ir dalöntsch per imprender a cugnuoscher terras estras, pövels esters. Perquai fet el suvent viadis, in Scandinavia, in Spagna, in Grecia, in Ingalterra — insomma per tuot l'Europa. E co ch'el savaiva giodair quels viadis a l'ester! Nus avain fat cun el be ün viadi, mo quel ans ais amo inschmarchabel: il viadi al prüm congress ladin internaziunal aint illas Dolomitas. Sar Nicola d'eira ün cumpagn da viadi agreabel, fich versà e perquai buna guida. Seis natüral simpel, seis esser exact e bod bod pedantic in regard bunas manieras e nettaschia, franc e sgür da sai stess, mo adüna buntadaivel, amiaivel e prus — rendaivan il viagiar cun el sulazaivel.

Dr. Nicola Gaudenz füt ün hom da bun cour e spiert cler — puchà ch'el ans stuvet bandunar sül cuolmen da sia actività. Per tant plü impressa ans restarà la sia memoria, per tant plü da char til salvaran tuot chi l'han cugnuschü. Ch'el posa in pasch!